

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 72 (2010)
Heft: 3: Schulen in Graubünden

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Discussiun da podi a Chastè

RETO LEHNER



Stimadas lecturas, stimats lecturs

In marcurdi, als 7 avrigl 2010 ha gnü lö a Chastè üna discussiun da podi. Quist'occurrenza es gnüda organisada da las 3 conferenzas generalas da la magistraglia rumantscha. Gnüts e discurrü han 6 dals 10 candidats per üna plazza illa regenza grischuna, adressada d'eira la magistraglia grischuna sco eir interessats per dumondas da scoula sco eir la pressa. Preschaints d'eiran raduond 50 magisters, il radio e la televisiun rumantscha.

Quista discussiun da podi portaiva il titel «dumondas centralas per l'avegnir da la scoula rumantscha». Fingjà il tema svess pudaiva imprometter üna discussiun animada, causa cha la situaziun actuala as preschainta tuot oter co quieta per nu dir dafatta turbulenta e fich emoziunala. Ils temas brisants sun actualmaing: la scolaziun e recrutaziun da magistraglia, la procedura d'examens d'admissiun pel gimnasi, il cuntgnü da la ledscha da scoula nouva, il rumantsch grischun in scoula sco eir l'integraziun totala in classas regularas.

Minchün dals 6 candidats – Barla Cahannes, Jürg Kappeler, Josias Gasser, Christian Brosi, Martin Jäger, Mario Cavigelli

– as ha pudü preschantar infra 2 minuts. Davo ha il moderatur, Valentin Schmed, fat las dumondas preparadas dals presidents als 6 candidats. Uschè ha il public dudi d'ürant s-chars 2 uras ils maniamaints a regard las dumondas surnomnadas dals differents candidats. D'ürant ils ultims 20 minuts han ils preschaints pudü far svessa dumondas als candidats.

Minchün dals preschaints as ha svessa pudü far ün purtret dals candidats chi han respus sün dumondas sco:

- Che sun böts central persunals da mincha candidat, sch'el vess da gnir elet sco regent dal departamaint da scoula?
- Co as poja megldrar e sgürar la qualità linguistica da magisters (giuvens)?
- Chi es respunsabel da garantir la basa linguistica dals magisters giuvens? La scoula publica? Ils gimnasis? La scoula ota da pedagogia? La rumantschia?
- Che modus d'examens d'admissiun es güst e fair invers tuot ils scolars grischuns, resguardond las differentas circumstanzas linguisticas regiunalas?
- Dess il rumantsch grischun gnir dictà a tuot las scoulas rumantschas?

D'ürant il viadi cul tren inavo in Engiadina,

han ils participants engiadinais trat a nüz il temp per discuter e valütar ils argumaints discutats, ma eir per barattar ideas e visions tanter dad els a regard il svilup e l'avegnir da la scoula rumantscha. In nom da la suprastanza da la CGL ingrazch eu a tuot ils participants da quist'occurrenza, als presidents da las 3 conferenzas chi han organisà quista discussiun da podi ed a las autoritats cumünalas da Chastè chi han miss a disposiziun lur localitats per far quist inscunter e sport l'aperitiv.

Cun amiaivels salüds
per la suprastanza da la CGL
Reto Lehner